

是程堂集

是程堂集卷第五

錢塘屠倬 孟昭

獨坐

野處 承平日春深晏坐時
禽言通稼穡鶴立具威儀
得失隨年證鬚眉攬鏡疑孤懷誰與託一笑理朱絲
花落

鳥啼衆山午響激春澗
泉山桃欲辭樹花飛打人肩
山中似春初人間已春晚
澗水一瓢香殘英勸君飯

雲居山遇雨

耽遊繭雙足苦被山鳥賺
阮孚屐未蠟郭泰巾已墊
歸雲荒寺頽猛雨寒林陷
鐘響一星星退步警初念

題小檀藥室竹

竹老鞭橫逸濃綠交窗疏誓與老僧約一个不許除漏
風不漏日可作涼棚無

題畫

照眼雲光白排空石氣青孤村藏複嶺曲澗注迴汀雨
過禽音滑春深藥草馨有人臨水檻寫照上圍屏

陳秋堂屬題其大父半村先生蘭亭縮本

蘭亭三百本墨妙誰能訶紛紛論肥瘦何異鼠飲河歐
樵與褚榻聚訟無乃多要于古人意曾不關痒癢先生
山澤癯白髮悲蹉跎城東十畝桑高寄歌槃阿臨池有
遺帖不換山陰鵞結體雖較別筆勢猶擘窠魏公故方

嚴意態仍婀娜于書亦有然妙意含秋螺能于咫尺間
放作千頃波當其老橫處快斫生蛟鼉我自用我法此
語理不頗文孫吾畏友亦被鐵硯磨人間撫星宿往往
遺羲娥從君問撥鐙令我三摩挲

鍾翠亭晚望

雲天研金碧秋樹戛玲瓏村落晚烟裏寺門殘照中吟
成嘲木客飯罷聚溪翁把卷聊終日僧樓一榻風

南屏

塔最高層尚夕陽寺樓鐘已打昏黃南屏山作屏風立
擁住排衙石幾行

湖上看雪

短櫂出叢蘆長林雪意麤峭寒爭酒力清景索詩通鶴
夢如僧定梅花較客腴兩三峰削劣小筆想倪迂

宿丹徒壩上

殘年容易旅愁增水驛風寒酒欲冰高岸如山無泊處
榜人月黑指桅燈

甲子除夜邗江作二首

爆竹通宵漏向殘強呼朋酒作團藥帆收瓜步蕭蕭雨
春近蕪城惻惻寒菜把僅留鄉味在梅花不及故園看
當筵笑喚雙蛾出付與檀槽陸續彈

蠟淚銅盤瀉作堆少年豪氣逼春來薄遊遠道三千里
守歲他鄉第一回前夜輕裝衝雨雪明朝雙鬢入風埃

已拌鄧禹將人笑莫惱花前此夜杯

平山堂四絕句

經臺花雨落霏霏一片松篁擁翠微坐久碧天霞彩散
水雲深處暮鐘飛

萬點寒鴉聚晚烟一甌初試大明泉記來詩句誠齋好
正是梅花領雪天

不礙疎林四面看上方塔影壓闌干春風欲到雷塘路
且禁梅花十日寒

幾家池館幾僧寮儘有梅花未放梢好借村沽解寒色
酒家門向竹邊敲

馬連屯寄秋白小湖

長安集卷五
三
百里宵征策蹇羸車輪又趁月輪過蒼蒼平野覆圓笠
濯濯童山分岔河客路歡場難作達旅人鄉夢不嫌多
兩君好在西湖住閒煞青鞋與綠蓑

陰平旅店題壁次梅史韻

鈴馱聲中趁渡譁旗亭髡柳不藏鴉嘶風老馬毛成蝟
野宿童奴面帶沙軋軋車箱搖客夢欹斜茅屋壓霜花
鬧蛾時節怱怱過話到燒鐙正憶家

元夕南沙河三首

荒村鐙市少殘夜客程迷道遠人求侶林寒鳥擇棲風
聲走沙礫石骨鬬輪蹄一飯聊捫腹辛盤漉凍齏
作客三千里勞勞是此行無端去鄉縣早歲慕幽并飯

健知無疾愁深怕過情高堂差慰藉先已辦歸程
暗塵如海濶短鬢似蓬飛雪凍仍黏瓦風號餐欲撼屏酒
偏今夜少書憶隔年歸莫怪詩腸窄量腰減帶圍

自棘程墩至馬跑泉徒步野望

鳥影穿雲過車聲殷地來荒山無草木白日走風雷下
視空塵海登臨有廢臺欲窮林壑美東望隱徂徠

固安曉發示梅史青士

星芒入地缺月昇天垂圓笠四野空雞鳴喔喔催客行
流澌無聲大河凍是日渡永定河清霜薄掩沙草白朔風尖裂車
帷縫茅柴酒劣不辟寒肩壓羊裘十觴重薄遊那遣意
氣改依舊人前露豪縱崎嶇諱說行路難獨騎快馬馳

飛鞚僕夫笑我強作健未可旅愁增倥傯西山俊鶻正
決起手挽雕弧先命中壯懷豈是書生知挾策先期爲
時用柳條漸近國門青劇飲今宵勿辭痛

戲作二絕句

瑟縮氈帷類凍蠅終朝閉置却堪憎薑芽斂袖苦皸瘡
鼻息著衣冰有稜
祇愁胸次塵難洗漫笑眉間氣不黃攬鏡自求真面目
幾時搏土戲媧皇

謝薌泉侍御李墨莊兵部伊墨卿太守張船山檢
討楊蓉裳戶部程春廬兵部陳碩士編修潘紅
茶編修蔡浣霞禮部招集江亭二十韻

孤亭四無倚躡級披草莽烟條壓寒柳綠意春漸長郊
圻尚淒冷幽討空悵惘羣公競作主趣騎招我往春游
晴固佳得雨亦可賞沙軟野水平却作江南想春陰方
過半花氣雨中養似苦北地寒幽禽澀圓吭天涯此羈
旅塵事初息鞅出門排日醉我胡不自廣况茲城南西
高原拓平敞馬曹閒挂笏山色落平掌酒酣衣袂舉似
御泠風上脫帽寬禮數快論極決滸羸洲老學士出語
秋競爽是日梧門學士詩先成心意雖老大古調難繼響憐余觸四
塵身似腰鼓顙但借酒力嚴爬搔祛垢癢韶光未云晚
挈榼再來儻有意與春競勿笑退之閑

法源寺看海棠用東坡定惠院東海棠詩韻同徐

雪廬施石樵孫春府黃句湖查梅史朱閑泉

人生塊處如草木昨日看花憐我獨可知花亦強人意
雜沓生憎冠蓋俗欲雕麗句乞春色強作解嘲笑山谷
施一文錢看西子那免市聲喧佛屋諸君有約破曉來
清賞不教攜竹肉天葩散落不着身妙悟翻輸眼前足
深叢似避鶯蝶鬧豔質欲鬪媼姪淑短廊花外冪藤陰
高樹牆頭剗鰲腹如何妾媵薄山杏直可兒童看修竹
北地不宜竹惟寺中有之高不逾丈烟愁雨泣睡起時快我今番豁雙目夙聞
錦州花獨香未可揚州較西蜀而我方悲春色闌此心
已逐南飛鵠花開花落化人室何人更奏迴風曲合教
留得許昌詩仍恐離愁增撥觸

諸友人相送于普濟堂口占留別二首

驚心楊柳已吹棉
吹送離愁馬足邊
芳草爲人留恨跡
一痕青處一蹢圓

突兀峰巒馬首迎
風沙不動雨初晴
西山大有殷勤意
同着諸公送我行

送何蘭士太守

道生

之官寧夏

彤幃四月出長安
雪嶺桃花落未殘

詔領朔方真刺史
詩誇水部舊郎官
周巡邊徼聲先肅
報答

昇平政要寬
日下羣公休惜別
酒星今作歲星看

朝來

朝來馬首見晴旭嵐氣青紅鴉鵲啼初夏暄涼分早晚
四山明晦隔東西花香浥浥欲辭樹澗水淙淙爭注谿
甃憩井亭休僕御蔭塗榆柳夾行齊

絕句

美人駿馬難兼得兒女英雄一例看鐙下幾回遺玉玦
酒醒重又上雕鞍

雨中望岱

環海風浩浩參天氣魂魂如何咫尺間不知岱嶽尊雷
車隱地軸石骨掀車輪齊州九點烟積此雨氣昏引手
攀車帷雲逐萬馬奔恍從虛無境搆結千嶙峋丹梯杳
難攀何處通天門千秋登封蹟已失漢與秦空中奏笙

河流清淺不容刀。僕馬紛紛問渡勞。隔岸樹根穿水伏。
傍山雲氣比峰高。

每逢隻候兼雙候。畧記山程與水程。垂柳陰中呼飲馬。
亂蟬聲裏看催耕。

野塘水碧冒圓荷。風約波紋皺似鞞。幾點碎萍新落絮。
酒家門外綠楊多。

宿遷道中

軟塵吹動鬚髮。薄笨車輕駕兩驂。莽蒼平蕪入烟靄。
不分雲水是江南。

十四夜毘陵舟中看月憶故園諸子

月好能近船帆影。落水底船行月亦行。船止月亦止有。

時傍船頭忽轉舵樓尾却怪月與船相去不尺咫毘陵
好烟水樓閣水中起岸邊竹脩脩草上波瀾瀾坐覺天
宇空不見月行駛時或掩其輝避入雲罅裏水程一千
里幾見清夜美翹首南北望兩地可同此歸心何所似
即此月明是些子塵垢無歸見故人耳

十五夜錫山道中無月

九龍山九首蜿蜒出湖口扁舟兀而搖九龍挾之走中
峰露塔影高出隄上柳星星動昏鐘雨氣積深黝此時
正宜月翻遜昨夜有挑鐙坐疎篷微吟但呼酒廿年墮
塵寰閒煞琢月手廣寒十萬戶沈沈埋壁紐天意惜光
明養晦示所守誰能挾浮雲且須斟北斗

十六夜吳門看月獨酌

天心常近人圓靈不虛佇對影成三人何止慰羈旅昨
夢持天瓢三吳敕行雨曉來枕上聽聲澀橫塘舫似聞
澤國民頗述淫潦苦綠章叩天閭晚晴帝所與常儀亟
修容寒蟾爲徐吐仰視明河間清光更如許停琴理徽
絃問夜過三五那不醉一觴昨恨今已補

十七日雨夜過吳江復見月

連日陰晴雜見雨亦見月畢竟晴意多月出雨便歇今
午篷底臥蕭騷雨絲密四面雲脚垂百里湖岸失乖龍
勢方張晚霽難再必擢入鷺脰湖枯坐惟抱膝須臾風
力轉波面淨如熨頰雲忽澄鮮晶彩四邊徹未嫌月上

遲但覺水天濶引手掬素瀾金鏡露微缺玉女忽大笑
文章貴奇譎昨夜與今夕光景又須別長嘯入湖烟拔
蔣風瑟瑟

抵舍作

依舊江湖戢羽翰不妨蓑笠弄漁竿百年聚族人家少
早歲通經述作難菽水幾曾供子職科名未可博親歡
祇餘耿耿孤懷在古有書生策治安

雨中遣懷

水添瓜蔓拍階平已過黃梅未放晴貧不要人將酒送
閒須逐日有詩成梳翎鵲向檐頭啐曳尾龜看草上行
讀易焚香聊晏坐何須愁絕似張衡

小睡

半年勞馬足一雨又蟬聲
晝永銷棋劫瓶空罷酒兵
未能捐百事祇可任浮生
笛簟涼於水饒他午夢清

陳古華太守結夏於城東半畝居僧舍同集者陳

曼生何夢華高犀泉許青士孫小蘭及余七人

鑒拂獨趺坐我笑枯僧枯陳侯味禪悅亦似軋氏臞竭
來訪白足要借青豆居雖換鐵門限索書仍索逋安心
自有法一室瓶鉢俱如何遠公戒無酒但食蔬石師亦

能詩嗜蜜如仲殊所恨太狡獪援彼法入儒

道公戒律甚嚴例不設酒

小石其弟子也我不解斯義但能坐而吁方今浙民飢如雀投空
廚入林各把臂讀詩識憂虞聖賢飢溺志何繇分勤劬

時讀中丞師及古
華和作行賑諸詩
鰕生方倦遊到家十日無牢愁懼傷性結

夏聊共娛袒肩禮古德輕風曳衣裾觀魚坐池上從公
識真如況茲座上客懷抱各已摠惟應入圖畫點筆實
在余圖成證空色但見濃綠鋪中有饒太守微吟捋髭
鬚

抵家兩月未嘗一詣湖上七月中郭頻迦潘壽生
眉來寓可莊沈小畹欽韓寓昭慶寺遂時時出
城同作山中之遊作此兼贈三君

出門無因緣一臥便兩月昨聞故人來芒屨始屢出我
魏湖上山尋盟久已闕得毋猿鶴笑或恐山靈詰聊辦
詭辭對黽勉辭以疾回首睨羣峰破笑轉相暱

南山如老衲北山如美人西山獨深邃要自隱者倫凡
此皆故交交澹愈可親自吾墮地日便與爾卜鄰膏肓
烟霞癖位置邱壑身願言矢永好長此辭風塵

諸山不一奇婉孌兼峭峻諸君不一格名通復疏俊我
喜兩得之愛慕匪私徇走告通姓名相見作介賓沈與郭潘初未
識風雲乍開闔猿鳥亦奮迅屹立兩峰高相望南北鎮

漫興

蕭然一榻擁書堆四面軒窗絕點埃愛護瓶花深注水
刪除庭草半留苔家藏宿醞經年貯客住比鄰間日來
自笑閒中有忙事半年詩要手親裁

菜圃

灌園種菜饒幽事幾輩英雄老此間不負生涯託長鑱
晚菰肥白豆花斑

阮梅叔^亨駕湖秋泛圖次原韻

晚涼添得幾分秋人似鷗閒不解愁夾岸樓臺鐙下出
滿湖菱芡雨中收聽來蓮葉田田曲放出瓜皮小小舟
直欲將身入圖畫與君同話隔年遊

和許雪香西山絕句

一杵鐘聲何處山白雲飛去不知還老僧禪榻有餘地
乞與歸雲分半閒

三絕句

赤脚昏朝怕見人閉門無事且三旬壁間細仿蝸書篆

雨後閒看蟻過鄰

小院愔愔暑欲消涼棚高比屋檐高不知門外秋聲急
可是鄰家壓酒槽

六扇紗窗拓未曾爲貪曉睡兀瞢騰却愁紫燕翻身入
尚被湘簾隔一層

同松泉秋白青士遊金鼓洞

涼風瀟竹影孤雲迹鳥飛深隴兩三曲古木重疊圍步
虛聲出山簷葡萄花墮衣層巔豁雲構過客敲林扉呀然
洞門闕何日仙禽歸大書別蒼蘚逸勢騫飛翬潭心受
懸瀑藤架張高幃不聞響金鼓但見跳珠璣鈎連鑲窗
戶腹背藏烟霏蕭蕭殘暑退冉冉斜陽微挈舟客久佇

探幽興終違前湖有村酒歸買秋蔬肥

紫雲洞同頻伽韻

萬山重疊作圍屏石室三間畫不局仙掌擘開雲氣紫
佛香團處竹梢青苔痕繡澀黏鍾乳泉脈肥甘養伏苓
自撥茶鑪尋宿火白頭僧未了殘經

鐘聲

風迴谷口四山應言白入清圓最上層放梵不先歸寺鳥
趁齋剛集打包僧松顛急雨醒來覺澗底寒潮落未曾
伴爾昏朝了常課三間破屋一龕鐙

蟬聲

秋思初驚節物偏機心先上七條絃已涼天氣愁無那

過雨林塘響不圓。前渡西風雙鬢外。無多殘暑夕陽邊。
美人心事騷人賦。一樹垂楊碧可憐。

機聲

七襄雲錦團團密。午夜龍梭軋軋鳴。板屋一鐙風入罅。
秋蛩四壁露無聲。比鄰小婦拋來倦。涼雨中宵夢不成。
睡觸屏風兒罷讀。蝦蟆更急太寒生。

濤聲

寒宵欹枕聽江聲。破浪渾如萬里行。憐我江湖似萍梗。
側身天地幾鷗盟。西風已到嚴陵瀨。旅夢初回鐵甕城。
想像月明霜落後。老鼉窟窟應亂山鳴。

鵲聲

烏篷船小缺瓜如柔艣嘔啞蕩碧虛風露滿身潮落後
江天無際雁來初蘆中人語尋烟斷港口漁燈泊岸徐
最是吳孃歌欲絕眠鷗驚起渺愁予

訪頻迦壽生于湖上可莊并晤朱鐵門

春生四首

水閣臨湖口撐船直到門曉來涼雨過坐久碧荷翻吟
侶秋前約老梅今尚存只愁雙鬢改多病似文園

白酒過鄰舍孤山識寓公數行乞米帖三尺應門童話
雨情猶昔懷人句獨工湖隄水楊柳搖落又西風
我愛潘懷縣閒居只面城詣人知不慣假物獨能鳴屋
漏催移榻詩成快舉觥爲君圖主客魚鳥亦多情

郭公嘗語我朱老是南鄰詩格年來細鬚眉見始真相

逢俱解若共飯憶鱸葦祇惜匆匆別湖風起白蘋

頻伽病起懷人詩冊題後

西風吹散簷角雨跑抓不覺秋鬢疎臥牀齧被悲骨肉
詎令良友先妻孥庾冰昔問孔坦疾兒女子態良可吁
告平雖復涉旬日舊雨未忍忘江湖卽如賤子別未久
僂指去冬月在涂長安旅館風雪虐渺然一士思菰蘆
竭來讀君懷友句正我下第南還初始知兩地各神往
我方憶君君憶吾就中知交或未見落落想見蒼眉鬚
凡我所識畧過半掩卷一一如可呼
詩中所懷四十一人予所
嘗識者二十二人新
交故交重堪念憐君病起形神臞天留君在壓公等眼
見替人一箇無我聞已疾戒越渫藥籠不必葠苓儲天

游自任六鑿去只須日買酒一壺白公并九稱歲暮歐
公四十成老夫君年齊白少歐一齒落早衰應勿虞前
者我致查老書爲君太息病未除急須馳此告無恙坐
令髯也一軒渠

西湖訪秋同壽生作二首

潦水平隄一尺強。芒屨得得趁斜陽。當門竹密全無暑。
除架風微却送涼。鷺客鷺賓相爾汝。寒郊瘦島付評量。
客中底事無慘甚。南北諸峰亦老蒼。

竹屋篝燈話寂寥。秋懷難遣是深宵。兩三星點河絡角。
一二更時月應潮。鬢影怕如烟柳短。吟魂不耐水風搖。
輸君瑪瑙坡前住。拍遍闌干聽玉簫。

樊公畫石王壽石屬題

古石蒼黑立一拳摸之有稜瘦且堅阿師游戲畫中禪
落人間世已百年秋窗雨灑墨似烟石不能醜翻覺妍
呼丈人行笑米顛豈知太古冰雪顏小劫已避秦王鞭
石不能語我代言請書此語石上鐫待成五色能補天
與君證此壽石篇

爲壽生作分湖漁隱圖繫之以詩

三吳烟水通笠澤鯉魚風起波潭潭菰村水驛占澤國
長檣鐵鹿來東南分湖只隔魏塘近如熨鏡面新拖藍
疎林落落矮如薺白小戢戢多于蠶漁舟爭集港汊泊
緯蕭作界蘆爲庵長隄百丈牽一髮二分水竹紛相參

扁舟曾記去年過夕陽影裏初收帆心知頻老里居舊
玉川破屋無人覘水鄉風景茲洵美更喜民俗皆熙恬
此時未識壽生面意行獨往情逾忼舍舟登岸徑詰屈
北風落盡霜林酣雞飛但覺一舍近指點屋角挑青帘
湖陰百里橫暮靄水宿大懼風波淹長年播鼓促解纜
村酒買得新開壘推篷且聽櫂謳發張口不惜深杯銜
銀刀出網斫作雪已勝方丈羅肥甘波平風軟三萬頃
漸見圓月波心嵌吳兒吳女解相樂悔我不就谿翁談
凡余所見畧能說東裝歲暮中懷慙羨君獨署五湖長
松陵漁具詩應添他年倘許結鄰住仍約頻老同相探
周南張北君自擇中央住我還成三君今乞詩兼乞畫

謂我繪事麤能諳但須珍重息壤在請勿笑我言詹詹
汪蛟門少壯三好圖爲秦敦夫太史題

夜深絳蠟燒銅盤當軒展圖一再看虛堂寂寥意思惡
假寐忽側頰巾冠侍兒斂衽向前問夫子何感云何歎
爲語此圖命意在壯志兀兀慙心顏讀書飲酒兼審曲
行樂及時須少年頭顱已恐鄧禹笑豪侈不損萊公賢
調鉛殺粉偶然事古人尚託今人傳胡能閉目兼塞耳
坐待憂患中年干我詞未畢侍兒笑書生出語終酸寒
君家四壁列圖史插架卷軸盈五千秫田雖薄釀材足
只惜戶小空流涎紅裝執樂即未辦廣筵時覺笙歌闌
紅裙文字兩不廢往往醉倒書牀眠行年正好未三十

那便鬱塞愁無端即看今年下第還自悔少日深引愆
謂當執髮學劉峻讀書以外皆須捐廣川下帷剛一月
積書几案紛陳編酒德朝擬伯倫頌美女夕和陳王篇
從旁竊聽適滋惑依然未絕聲酒緣大夫不得行胸懷
何苦坐守窮青瓊危言讜論動驚衆投以所好情還遷
少年徵逐固大謬一朝屏棄亦大難何如寓物不役物
於斯三者知所先君不見汪比部事雖慕蘭意不專梧
桐高閣把書坐志在法吏儒臣間蛟門先生詩云半生心事無多字只在儒臣法吏間又
不見秦太史學富五笥才便便不持此圖示凡輩偶爾
遊戲蓬萊仙古今人豈不相及萬事等作如是觀矧此
區區三嗜好豈遂擾擾相拘牽我聞斯言爽然失反覺

孫人杜于辭應刪

孫欲屏聲酒一意讀書
杜欲去書專事聲酒

古人陳迹本寄託

爲左右袒吾寧然急呼如願檢書看蕭琛已事猶班班
客何所能何所好請質此語先生前

憶拂塵庵作

城南最憶讀書處叢桂滿庭開過無雲爲山寒留不住
竹因年久種來麤空教牆角悲鐙檠未可尊前擊唾壺
頭白老僧俱好在只憐炊火斷齋廚

是程堂集卷第五

嘉慶中成興開
雕於真州府舍

秣陵陶士立仿宋書王日華董刊

是程堂集卷第六

錢塘屠倬 孟昭

得白雲先生書却寄三首

京洛一往返自冬倏徂秋相逢黃河北絮帽方裏頭逆
旅正容坐道味飫魯鄒宛轉雙轂間何處容羈愁長安
萬人海車馬如水流側聞賢達交亦貽君子羞君子之
所羞百族之所求寂然先生居門外如荒郵高情解僮
僕素疾忘幽憂未可問通塞庶無貽悔尤

驅車復驅車四月五月交身如轆轤轉心阻山川遙先
生再入都想見顏色凋倬行之明日惜未于路要馳驅
歷燕趙夢想神爲勞道逢南來客意謂行相遭俚俚入

傳舍土壁鐙影搖照見壁上書墨痕乾未消知是先生
詩驚疑達中宵循環再三讀芳舍憎且撓回腸增結轡
聚散如風飈荒雞叫孤驛又聽聲膠膠

一月兩奉書示我病馬詩其言太感激方使居者疑君
子重信道況際 昌明時昌黎惜蹉跎摧折顏色低騏
驎行地上那服鹽車馳當其不得已驤首鳴且悲先生
初服官四十髮未衰行將挽頽俗以道爲鎡基從仕二
十年歸來尚不遲要知解全牛其效先割雞倬也方卑
伏世途未周知昨來過淮泗滿目皆瘡痍流民誰爲圖
太息日在茲寄言告君子勿爲徒相思

集汪氏園看桂花

堂虛鄰水竹山近逼須眉詩入秋來健花嫌客到遲書
堆時散亂酒態任支離未塞聞根斷香溫坐不辭

秋雲

秋雲與帆影同此渡江心飛鳥不成白夕陽先爲陰風
前寒葉墮潭底碧天深想逐幽人跡悠悠何處尋

曉起泛舟湖上入茅家埠

獨客似鷗嬾衆山如睡醒松顛盪朝旭荻葉颭寒汀柳
剩絲絲碧雲流閃閃青曉鐘吹不斷先在隔湖聽

東南屏心公乞方竹栽三首

竹因蟲蝕不教青墜葉空梢翦一廳須要補栽千百个
秋聲添與夜來聽

契原草堂方竹枝離披大葉滿山陞東偏石罅幾莖瘦
伴我奇礧看更宜

小奇礧余齋前石名也

乞君分竹君應惜償以新詩并酒材休論值得幾錢買
明月清風同送來

頻伽還自越中風雨渡江相見歡甚時余方補竹
於庭薄暮酒酣屬頻伽作詩紀事且許畫竹以
報明日畫成頻伽詩亦就余復和焉

郭公長身如竹瘦爲我作詩爲竹壽我言今夕竹請客
竹亦新來居我宅與君與竹作主人買酒一壺先酌君
階下竹君正雨立又怪主人遲酒巡酒寒鐙炮風雨急
客起持杯延竹入孤標千尺振高寒豈肯低頭向人揖

我時狂叫發興奇塵中無此絕代姿天寒日暮翠袖薄
空谷何如此間樂吾家幸有一畝宮移來却補四壁空
天邊鳳皇安得食世上桃李誰爲容請君舉酒下我拜
且與此君同一醉

自題琴陽舊廬山水畫壁

終朝仰屋不見山臥遊却在青山間虛廊粉壁親手畫
只恐小兒塗抹壞莓苔黏向石根青簷溜飛來松頂挂
碑兀鬱律一丈高放筆祇覺南山隘朝看壁間雨脚垂
暮看壁間雲亂飛故鄉自足好山水若耶雲門何日歸

江山船曲二首

越女如花換舵來江山船子一齊開帆從羅剎磯邊轉

夢到嚴陵灘下回

鄰舟女伴却相邀
今夜收帆泊二橋
絮語篷窗燈一點
西風初過滿江潮

坐瓢閣

青山渡湖來影落
湖面濶蒼蒼竹柏
松色與荇藻活湖
口稍覺隘自繫門
前舟湖心漸平曠
傑閣跨兩頭閣中
何所有一榻復一
几容我終日坐煎
茶喫湖水開窗看
青山尚在湖中間
何當刺船去落日
滿湖烟

冬日齋中讀書二首

寒衣以時增
柏複幾重裏
曉起具早餐
飽食擁書坐
莊誦未數番
書味亦已頗
太息古聖賢
述作已先我
公議

在後人千載孰倚荷大道視塵襲餘伎真么廢浮湛事
大繆力學慚未果陳陳古簡編一半蛛網鏤客來任嘲
噓啟戶笑齒瑳那免腐儒譏一揖冠幘墮

拙不能使巧瘠不能使肥視短不見山胡能辨高卑我
於學正然無醇而有疵癥疣塞四體欲治先傷肌先儒
亦有病病非後人知當其治之急正恐不及時今人不
已治反作他人醫苛詞論前輩自詡黃與岐試問無古
人我學當誰師君看後來者笑我我不辭

渡水沙二首

水沙十里江一里沙擁江平一條水荻花吹盡晚潮枯
脚踏堅冰凍人死

是日聞死
者三人

駕鷺叫空飛不落牛領成創

苦鞭捶嗚呼渡江先怕渡水沙無錢不上獨輪車
月黑沙淤不見路五更早候西陵渡水深沒髀不敢住
行李先催過江去藁藁津鼓城頭搗樹枝霜白啼老鴉
嗚呼渡江先怕渡水沙擔夫日被官差拏

溪上山

鬱鬱溪上山一起一伏隨溪灣行人渡溪溪水寒扶蘆
作花開滿灘中有樵蘇時往還樵人夜歸溪上宿朝登
山頭逐麋鹿持斧斫樹連樹根草間蒺藜刺傷足胡不
垂竿釣溪邊山中束薪不值錢

山陰草堂漫興六首

下澤車懷馬少游不才只合住林邱杖藜父老能占歲

總角兒童解飯牛。對客燈前饒醉語。懷人天末重離憂。
不嫌家具無多在。更擬藏書築小樓。

女牆桑柘傍溪橋。鄰曲過從不待招。餉客蒸鷺先折項。
催租新米出長腰。斜陽欲落樹明滅。幽鳥亂啼山寂寥。
歸去打門呼瘦沈。謂筠虛昆季路旁閒立話漁樵。

牛羊叱叱下山阿。蓬戶蕭蕭有雀羅。野處正宜居士服。
清時最重力田科。未經仕宦無榮悴。儘有烟霞託嘯歌。
歸興偏饒冬日煖。茆檐時覺醉顏酡。

一從一橫山起伏。載飛載止鳥翩翻。達人大觀嘆蟻磨。
寒士苦心埋兔園。酒熟且除巾子漉。廚空不厭雀兒喧。
眼前門戶關興替。六百年來手澤存。

涉世難從谷口逃。偶然雲水屬吾曹。湖波浩蕩月無定。
林木蕭森山自高。臘近早梅開次第。雲深孤雁落秋毫。
翛然夜坐頻中酒。一醉真能奪二豪。

時事未通休論古。人情漸熟始安貧。性情不廢詩吟咏。
疾痛偏求指屈伸。誰道鷺鷥容易狎。君看山水自然真。
得閒翻病殊堪笑。枯坐齋頭已浹旬。

蕭山道中

北風獵獵颭高桅。津鼓統統趁曉催。估舶穿城啣尾入。
肩輿迎客踏波來。霜蒙屋角熹微白。雲落江心掩冉開。
閒聽吳儂談往事。三千犀弩射潮回。

十二月六日雪

一夜顛風作雪成牆頭屋角爛鋪銀凍禽瑟縮踏枝下
飛傍軒窗貪近人

雪夜見月

明月照屋梁與雪相映發却顧池上水無雪獨有月端
居念空色色即空中滅而色自不空有月仍有雪

雪香移居賦贈五首

張籍居泥溝蛙懽復蟬嘒焦先作圓舍便似蝸牛大依
沫魚亦窮遂鵲鳩得計人物理有然一室亦天畀磨牛
步步跡世界陳陳際勞生事奔走常恐舟不繫一塵聖
人氓君家自有例祝君但仰屋晝夢聽僮寢

墮地三十年動足萬里餘富貴本傳舍歸來但羈孤廉

吏子負薪君尚能讀書以此復較彼憂喜當何如君歸
歲在申及今六年初卜鄰非卜宅六年六移居去年館
吾家吾子方能趨乞君授小學上口無齟齬君兒同歲
生正是千里駒甚愛爾子賢頗怪吾兒愚兩兒同硯几
飲食必與俱兩家居對門出入必相扶胡然舍之去覺
我鄰舍無幸祇隔半里得酒還相呼

蓬蒿三畝居寬於一天下達哉杜牧言此樂知者寡昨
吾走賀君一揖相對坐檐頭乾雀啁笑口婦子哆招我
共周覽處置方貼妥壺樽宜在右圖史或在左東頭屋
較偏僮婢方掃灑西邊牆缺下零落堆破瓦南榮設几
榻晏坐書可把井井具規畫蕭蕭致聞雅有門青竹編

劣不容車馬但苦隙地少何處栽果蓏

夜來一尺雪門巷沒車轂借得肆中書挂在牛角讀道
逢索逋客責券把一束稔知原憲貧那肆淮陰辱歸來
便召客得酒且相屬拄杖我亦畏勿買花豬肉是日與諸君會飲雪香新居而賢室持齋甚嚴例不設豬肉故戲及之

王郎魚尺氣自豪斫地歌慨慷范子湖飲戶小尚能舉十

觴翩翩沈郎雲瘦落落宋子和甫狂買買來父子積探懷

出詩章我詩不足道櫻鋒斂其芒急須自藏匿呼酒滌

肺腸酒寒竈無火起立走遶廊一尺天井外忽見月在

牆主人詩滿屋百軸新裹裝雪香爲初觀先生從子座間通懸樊榭穆門冬心諸公與先生倡和之作

起就壁上讀吟聲協官商諸君倘有作會繼厲與杭

十二月十九日爲蘇文忠公生日同梁山舟侍講
潘德園侍御華秋槎郡丞戴金溪比部許周生
兵部項秋子別駕汪小海明經許青士孝廉任
蘇庵孫小蘭兩秀才展祀祠下敬賦此詩

公來判杭州熙寧歲辛亥及來守是邦却後十六載杭
人思公如父母至今說公常在口公之政事兼文章更
許今人作師友儋州黃州亦似杭公之神靈非一方杭
人但飲西湖水思公總在孤山傍去來今事一彈指七
百年來此湖水葑田捲盡萬頃雲度牒爭輸千斛米風
流笠屐何翩翩望湖樓下水拍天千秋俎豆不祧禮那
恤磨蝎身官纏青巾紫裘客李委赤壁磯邊笛聲起凌

雲白日仙欲來

見斜川集大人生日詩

南極老人星不死

見柯山集聞先生嶺外歸

贈潘邠老詩

亦有玉粼羹亦有花豬肉海南荔枝不可摘共城

香粳薦初熟公共享此公所耽神來何處枕榔庵逡巡
酒非錯著水載拜進公蕉葉三當年先生壽卯君印香
新合篆篆文尚留一語公自說國恩當報敢不勤公神
今在天公德歿可祭誰其築祠淮海裔

祠爲小峴先生請蒞杭時所建

看祠外柳回春介雅杯中祝豐歲

雨中與青士泛舟湖上一鵲流雲四山殘雪與烟
光水氣相映發殊覺清絕狀之以詩

寒空一痕峭欲滅不滅中吞吐湖上雲搖曳谷口風風
吹雨絲密急響來疎篷此時最高山尚有積雪封山凹

轉成凸碎白密似縫掩冉數峰外微露半截松松顛蓄
流雲雲亦分幾重近者薄如絮遠似雪未融晶瑩兼黯
黹窅窳雜空濛幻態不可畫畫亦未必工時青士方乞余作尋丈巨幅推
篷且熟視虛挹襟抱冲乾坤滿清氣造此色界空回船
近湖潏笑酌春酒濃君看曉來雨際晚又不同

寒夜對齋頭水仙梅花數種戲詠此詩

冰姿翠袖態珊珊綠萼檀心致一般與我有情花弄影
惜風餘力雪增寒隔簾鐙暗渾疑睡逆鼻香來總帶酸
位置小窗都入格不須粉本寫來看

乙丑除夕

隔年春入殘冬早舉世人爭此夜忙戲打灰堆添利市

尚餘酒債說尋常
草船送慣知無益
糟醕傾來已有香
祭竈祭詩麤已了
祝親康樂未渠央

雜題畫梅八絕句

昨向孤山尋野梅
橫枝三兩不多開
一生醜直渾無用
且現花身說法來

風捲雪聲乾不起
一雙老鶴唳江天
曾從太僕山頭見
滿地梅花種作田

何處瓊樓玉宇寒
天風吹送到江干
十分清瘦無人問
結子東風也帶酸

板橋流水總相宜
看到梅花例有詩
斜出一枝低壓帽
滿山風雪獨行時

絃管聲希繁漏歇曙鴉啼徹小樓東

當筵

當筵子野怕聞歌一曲新聲喚奈何錦瑟年華無藉在
綠楊門巷幾經過春陰似水迷離甚花氣隨風斷續多
鏡檻無心成一笑巫雲不動斂雙蛾

桃花流水篇爲孫鶴所孝廉作

東風吹綠溪邊水窗外春禽喚人起君家池館得春多
錦袍圍坐花叢裏一段春愁似酒濃主人笑比玫瑰紅
小樓不隔垂楊外芳草都生細雨中畫闌呆曲深深轉
風約清溪浪花軟紅霞飛上錦屏風照出花光有深淺
金衣公子調寒簧鵲鵲暖浴遊蜂忙長安看遍花十里

不如洗脚春流香

去歲鶴所不赴公車故云

春流曲引花間路畧徇斜

橫又何處此中要作武陵猜重來不比天台誤花水成
文絕妙辭羨君不負看花時白波卷酒動春酌紅袖擘
箋題小詩看花開更看花落流水溶溶春漠漠可知世
外有神仙只此人間好邱壑

黃丈退庵寄示新刊友漁齋集題後奉懷并示霽
青

相逢草草已三年贈我詩還手自編並世得交名父子
輸君真作小神仙友漁齋自饒花竹馴鹿莊聞近墓田
可惜早梅開過了何時重訪鶴湖邊

崑山王紫畦孝廉丈寄贈仿董華亭山水小幀并

耶溪漁隱圖橫卷賦謝三首

欲就香光證畫禪空亭四角落秋烟當時初識王摩詰
正在荒山野水邊

余與某畦訂交于西泠湖舫

寄到耶溪漁隱卷倪黃生面別教開笑儂走慣山陰道
也覺無從應接來

湘縑一幅矮窗橫幾度看山易稿成早被先生先識破
似晴似雨不分明

吳穀人先生招同秋槎司馬古華太守秋子別駕
青士孝廉集小香南館看海棠卽用先生集中
城南徐氏宅看牡丹九言體韻

去年踏春尺五城南天或法源寺後棗花寺前青衫破

帽獨跨蹇驢去不與羣公車騎爭喧闐歸來湖上又值
春事好城東詩老久已高車懸夢烟舫對千頃碧波暖
香南館護一樹晴霞鮮興來折柬召客三五輩茶鐺酒
器早設花闌邊午蜂暖遊不讓客先到高枝斜壓正與
樓齊肩却如齊奴步障遮一角容我醉後放脚匡牀眠
花身如夢惘惘隔塵俗詩懷似月皎皎長孤圓用里先
生座上客盡樂楚狂小子醉後詩尤顛酒顏當風欲避
紫烟暖粉雲和露都付珊火煎年來此花苦被熱塵惱
夜必鐙火晝亦喧管絃但聞金迷紙醉恣豪讌那有瓊
思瑤想誇名篇此段賞心祇可鬪綵筆一宵花漏不復
催銅蓮却疑浣花老子不好事空令草堂檀木枯枿傳

吾鄉花事從此壓蜀府况復一春氣候南中偏詩成酌
酒起舞爲公壽願公看花老眼如少年

河渚訪友

過三义路近西溪聞道君家更在西鄰舍無人知姓氏
門前笑指采桑梯

題孫燭溪舍人丈碧山棲圖二首

曾從畫省吟紅藥別置書堂臥白雲自是興公擅詞賦
更分餘藝屬郎君閒攜白羽清譚久坐理朱絃古調聞
一片綠陰圍屋角疎疎花草散奇芬

白也當年棲碧山風流原只是人間君方愛對三人飲

前數日先生招王穀膝山長戴金溪員外
及余三人小集故借用青蓮詩意及之

我尚能陪一座閒啼歇

晚駕春漠漠養成新竹雨斑斑王褒僮約無他事但教
催詩數往還

大雨至拂塵庵四首

石磴盤盤點翠苔滿身風雨入山來四圍濃綠遮門住
隔着松篁一徑開

山上白雲山下水水聲只在隔山聞看來雲水無分別
便是青山亦化雲

一把團茅淨掃除拈花笑對佛鐙初何須別問安心法
坐著蒲團枕著書

尚要還山讀十年郭公類贈我有新篇懷人遠道三千
里同滯風塵亦可憐謂白雲先生及梅史

與小湖玉年夜話有懷梅史二首

幽樓地僻容長往。絕頂風高怕獨登。明月有情江上水。
青山無恙佛前燈。學荒已似寒竿澀。氣盛真如古劍騰。
杯酒易疎人易別。對牀還憶舊時曾。

飄泊江湖逐浪鷗。初經塵海試沈浮。老僧同有故人念。
往歲先拚此別愁。說到酒邊俱鄭重。憐他髯也最風流。
太平湖上芙蓉老。書到應知已入秋。
是日奉寄一書

晚步山徑中

白石牆低薜荔封。團焦梳子綠陰重。夕陽移上樹梢去。
正打壽春庵裏鐘。

橐駝嶺上白雲瘦。寶蓮山頭幽鳥啼。槿籬花落稍欲晚。

蘿徑草荒應不迷

待雨

高樹忽焉暝衆山渾欲秋開襟涼思闊當戶白雲流閒
弄水邊笛獨登江上樓物情先自足睡醒一雙鷗

許周生兵部招集陔華堂效白傅體拈得十一覃
明日復用諸公韻各成一首

何處堪消暑空山舊草庵欵門無熱客揮塵有清譚月
白江聲大風高雨氣酣靜中觀化了一指許同參

何處堪消暑奇情入汗漫抱珠眠水底說鬼坐更闌鬪
螳憐清夢流霞當晚餐蛟龍知我字留跡與人看

和周生韻

何處堪消暑重巖萬木交路隨仙鶴引杖倚石門敲瀑

冷澦飛雪松欹偃瘦蛟長生未須學只乞藥方鈔

和書
農韻

何處堪消暑扁舟憶若耶三間舊茅屋十丈碧蓮花漚

鷺昔同夢田園今幾家曲闌干外雨風柳自欹斜

和笙
華韻

何處堪消暑歌筵酒半醒碧簫斟細細紅袖立亭亭豔

曲翻金縷雲鬟壓素聲晚涼新浴好悄語侍兒聽

和青
士韻

何處堪消暑郵亭憩夕陽當風墮圓笠飲馬立垂楊憐

我亦爲客去年非故鄉歸來但高臥終愛北窗涼

和季
厓韻

何處堪消暑揮毫落剡藤水疑三峽瀉墨似亂雲蒸解

此臥遊理蕭然涼思增迷離京口雨海岳是傳鐙

和小
士韻

周生女
甥也

同趙晉齋周松泉金鼓洞消暑贈張樵雲道士

山中學道者雲外步虛聲欲往探靈笈相於忘世情泉
春石室響風舉葛衫輕日夕更無事花間調玉笙

嬾雲窩

竹深山較遠秋近暑方來坐久龜調息神閒鶴護胎白
雲橫嶺上蒼耳摘巖隈翻笑吾多事題詩污綠苔

立秋日集鑒止水齋苦熱聯句用昌黎秋雨聯句

韻

夙起迎新秋

姚樟笙華

文酒此高會盍簪廣除閒

許乃普李厓

薄暝

衆芳藹洽素脫拘牽

屠倬琴陽

感序冀蘇泰開尊挹流泉

許乃濟青

高論決幽瀨勃萃推張憑

許宗彥周生

清疎有王大勸酬筒

卷荷

胡敬書農

醺醖繩蕪艾商飈不可招

笙華

晚熱頗無奈大

辰行過中

季

西御方指允燔林勢轉橫

琴

燦金力難汰

鞭癡匿海底

青

嘯猛遺谷外陶輪柅轉側

周

虞軫散噫

噦披嫌葛衫重

書

浴快蘭湯酌嚼瓜暫沁爽

笙

沃水終

滯沛白藏避炎威

季

林鐘室虛籟蒲簞倦交揮

琴

冰炭

懲過忤蔭樹道多暘

青

宛虹氣如帶高田龜兆坼

周

早

稻麀牙害圭璧走虞衡

書

牲帛及川澮大雲梵唄仗

笙

飛篆道術賴器益徒喧囂

季

衣帔復綈蔡絃希師文叩

琴

酒幻藥巴酹枯憂魚索肆

青

逃類鳥翳薈晚賴閃倏

周

生驕震失砵磕神昏響關螳

書

目眇影搖貝吾徒拋

巾卷

笙

疲俗愁倉廩欲回天公慳

季

願從蓐收丐遠資

傅相霖

琴

近隨郭侯軟倒生獲昭蘇

青

嘉祥勝鳴翺微

涼生簾席

生周

熱客謝冠蓋秋心淡屈宋

書

好音懷邢鄒

壇建周麾弧

筆華

筆整還轅旆擊鉢更餘韻

季

據梧拂輕

靄遠想寄沈寥

琴

煩襟滌塵瑱一語脫曰科

士

衆口爭

炙膾清言不厭多

生周

賞奇誰殿最飲酣醉欲眠

書

思苦

澀難沛忽聞銀箭聲

筆

失喜甘澍霈西風一夕涼

季

憂旱旣太

陽

山行值大雷雨

疾雨橫風兩厓逼吹落半江雲氣黑喬柯倒拔坼厚坤

老龍擘空留爪痕

是日望江門外大水數抱者爲風雨所拔壞民居四五間

金鱗怒張陰火

出身夾飛車迅霆疾霹靂看從掌上生瞥眼空中墮神

物我時脚踏層雲中入雲出雲山幾重泥深草軟屐齒

滑驚麕駭鹿林莽空前山晦暝不辨路電母窺人出高
樹穿林雨脚飛萬弩濕雲裹身薄如絮君不見塞我白
浪排江中中流撞擊千艨艟農夫拍手舵工哭此時禍
福難從同所福者大禍則小聾蟲雖聾聾意殊好平隄拍
拍水滿溝農夫歌舞道路愁長官誰似王滁州

詹烈婦詩

并序

烈婦姓璩氏德悌其名歸詹生某生死日烈婦
誓以身徇其姑及家人同守之越四十六日守
稍懈則仰藥死矣嘉慶十年事也許兵部宗彥
爲之傳

婦道一臣道所矢在貞純義理苟所安生死如微塵君

子重心跡一僞清百真寧知剖心者夫子許其仁烈婦知有夫而不知有身匪直不有身可不謀于親烈婦知對天何有疑於人匪直不問人天亦可勿論嗚呼詹烈婦用以勒貞珉

王竹嶼別駕江聲帆影圖

把酒逢君在於越只隔江南青一髮同賦錢塘江上潮
還招幕府山頭月三間閣子臨江住白鷺洲邊讀書處
烏衣門巷舊家山南朝烟月新詞賦何時老船發興奇
圖爲張船山侍御作畫出君家邀笛步闌干一拍莫潮平水雲不逐
東流去荻蘆花老西風殘魚龍氣吞星斗寒夜靜江聲
搖屋壁雨昏帆影轟檣竿好將圖畫從人識不信江天

如此寬同時袁蔣爭先後雙佩齋名炙人口

尊甫通政副使蒔亭先生

詩有雙佩齋集

過江物望重如山鳳毛更屬君家有謝公宅在詎

爭墩太白樓高容置酒何當百尺許同登今喜一麾還
出守傑閣孤撐江上雲江邊蘭芷憶夫君官齋今在胥
山下一樣江聲枕上聞

是程堂集卷第六

嘉慶中歲開
雕於真州府舍

秣陵陶士立仿宋書王日華董刊